

SEPTEMBER LO DUNA INICIO NA CONSTRUCCION DI HOTEL NOBO

ORANJESTAD(AAN)— Un rueda di prensa a keda convoca ayera pa Diputado Nel Oduber y na e ocasion aki tabata presente tambe Sr. Gregorio Stilman di Argentina cu a presenta un proyecto pa un hotel banda di Concorde.

Den e promer fase di e proyecto lo construi un hotel di 200 camber y despues e lo ser amplia pa 450 camber.

Segun Diputado Oduber, Dr. Goldstein residencia na Aruba conoce Señor Stilman. For di año 1983 tabata existi interes pa construccion di un hotel di promer clase na Aruba.

Ayera por a ser anuncia cu e construccion lo cuminsa na luna di September y cu e promer fase lo termina den un año y mey.

Contacto a ser tuma cu un banco na Francia pa e prestamo necesario y asina

ayera Señor Stilman por a presenta e proyecto cu por ser opera pa Hyatt Hotels o pa Ramada Inn, ambos conocido cadenan hotelero.

E hotel lo bira uno di cinco strea, cu restaurant, casino, area di recreacion, salon di conferencia, y sauna entre otro.

Tanto e biento como e suelo na e sitio di construccion a forma base pa estudionan cu a ser realiza.

E hotel lo consisti di seis piso y ta ser calcula cu durante e ejecucion di e promer fase, alrededor di 200 persona lo por haya empleo den e proyecto cu pa e promer fase lo significa un inversion di 19 millon dollar.

Ayera Diputado Oduber a anuncia alavez cu Playa Linda lo construi e segundo fase esta amplia cu 220 camber, mientras cu construccion di e hotel di Casa Del Mar na altura di Aruba

Beach Club, caminda acomodacion di 355 camber lo ser crea, tambe por ser spera proximamente.

A drenta otro peticion,

esta di señor Norderman pa construi un hotel di 200 camber na altura di Manchebo Beach Hotel. Un proyecto cu

lo costa 12 millon florin, mientras Holiday Inn tin programa pa amplia su cantidad di cambenan, manera ya ta conoci.

INVERSIONISTANAN INTERESA DEN INTRODUCCION DI INDUSTRIANAN NA ARUBA

ORANJESTAD(AAN)— Durante un rueda di prensa ayeratardi Diputado Nel Oduber a duna di conoce cu actualmente ta na Aruba señor Aart Port, kende pa fin di luna mester entrega un feasibility study pa un fabrica di computer y tambe asambleo di computer.

Un total di 800 persona lo por haya trabao si e proyecto aki keda ejecuta.

E mini computernan por ser manda pa Europa. Curioso tabata e nota cu na e fabrica e forza laboral lo mester consisti pa 60 porciento di hende muher y 40 porciento di hende

homer.

Mientrastanto un compania cu ta traha laken tambe ta interesa den establecimiento na Aruba y e proyecto aki, si e ser ejecuta lo significa creacion di 200 cupo di trabao. E plan lo ta den estado avanza.

CHRIS VAN KRIMPEN DIRECTOR DI PUERTO TE 31 DI JANUARI

ORANJESTAD(AAN)— E consejo di directiva y

staf di APA a manda un telegram pa e Presidente Comisario di Aruba Ports Authority, Diputado Nel Oduber, den cual nan ta cuestiona e situacion entorno di e actual Director di Haf di Aruba, esta Chris van Krimpen.

un rueda di prensa ayera, Diputado Oduber a bisa cu van Krimpen lo keda te cu dia 31 di Januari y cu lo negocia cu Hulanda encunto pago di su contrato cu lo termina dia 31 di e luna aki.

E telegram ta pidi pa anuncia e fecha ariba cual e contrato di e Director di APA lo ta vigente.

A ser muestra ariba publicacionnan contradictorio encunto e asunto aki.

Mientrastanto durante

Mientras ta busca reemplazo pa e Director ainda, despues cu Ing. Roland Lacle a bira Ministro a surgi un puesto vacante den e Consejo di Comisarianan. A ser dicidi pa nombra señor Michael Kuiperi na e puesto vacante y Sr. de Veer na Astec.

Informenan clave ta revela

VENEZUELA NO KIER A BENDE AZETA Ariba BASE MENSUAL CU EXXON

ORANJESTAD(AAN)— Poco poco, pero sigur mas y mas informe encunto e situacion y ultimo desayonnan entorno di Lago ta haya claridad.

Asina un informacion clave cu DIARIO a ricibi ta muestra cu Exxon a acerca Gobierno Venezolano pa por yega na un arreglo pa entrega ariba un

base mensual di azeta pa ser procesa na Lago.

E acuerdo aki ta vigente entre Venezuela y Shell na Curacao.

Sinembargo den caso di Lago, Venezuela a opta pa no honra e peticion aki, loke a significa cu un acuerdo ariba un base di entrega mensual no a ser logra pa Lago aparentemente.

PROGRAMA INFORMATIVO SEMANAL DI MEP

ORANJESTAD(AAN)— Entrante Diadomingo avor, e partido MEP semanalmente lo tin un programa radial cu lo ser transmiti pa Radio Kelkboom.

Segun informenan ta trata di un programa

cu caracter informativo cu lo keda transmiti tur Diadomingo pa 9 or di mainta.



Curso nobo di cushinamento di
LUCHA MARIA SAPONARA


Ta cuminsa e luna aki
Pa mas informacion jama telefoon 27797
of pasa personalmente na
Costa Ricastraat 4
LUGAR TA LIMITA!



BON AÑA 1985

JUDELLA Mini-Mercado

A BAH A PRIJS!



Sopi	3,00
Mula	2,90
Porkchop	3,75
Stoba	4,40
Steak	5,00
Lomito	10,00

Cura Cabai Mini-Mercado

(antes Exit) N.C.C. 24

TAMBE A BAH A PRIJS